



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Opera Mystica V. Ac Mystici Doctoris F. Ioannis A Cruce
Primi Religiosi Discalceati Ordinis B. V. M. De Monte
Carmelo Et Seraphicæ Virginis Theresiæ fidelissimi
coadiutoris**

Juan <de la Cruz>

Coloniæ Agrippinæ, 1639

Elogium V. Illustrissimi & Reuerendissimi D.D. Fr. Antonij Perez Episcopi
Vrgellæ, Operum V.P. Fr. Ioannis à Cruce, contentum in Epistola missa ad
V.M. Annam de Iesu, Fundatricem Monialium Carmelitarum ...

urn:nbn:de:hbz:466:1-37873

ELOGIVM V.

*Illustrissimi & Reuerendissimi D.D. Fr. Antonij Perez
Episcopi Vrgella, Operum V.P. Fr. Ioannis à Cruce, con-
tentum in Epistola missa ad V.M. Annam de Iesu,
Fundatricem Monialium Carmelitarum Dis-
calceatarum in Gallia & Belgio.*

Quæ V.P. & Magistri sui F. Ioannis à Cruce, quæ R. V. mihi perlustranda commisit, remitto, ea quippe talia in se sunt, vt (quantum pro ingenij mei tenuitate percipio) totus vester sacer Ordo, tanquam in lucidissimo totius perfectionis suæ speculo, merito se ipsum in eis inspicere, & contemplari possit. Nam si illius professores viam purgatiuam rigidè sequuntur, hic taliter illa proponitur, vt ob illius rigorem eiusdem tractatio Nox Obscura inscribatur: vt pote in qua homo proprios obrutus vsque adeo fugit, vt ei de se ipso liceat enuncia- re, quod D. Paulus de Christo Domino asseruit. 2. Corinthi. 5. *Et si nouimus secundam carnem Christum, sed iam non nouimus.* Si vero viam illuminatiuam insigni cum splendore exercent, hic tantopere resplendet, vt manifestum quoque fiat, eodem Apostolo teste 1. ad Cor. 2. *eam non in sapientia hominum, sed in virtute Dei splendescere*, adeo vt quod ibidem subiunxit dicere possint. *Nos sensum Christi habemus.* Denique si viam vniuersam, tam præcellenter profitentur, hic vsque adeo perficitur, vt attingatur quodammodo quod D. Paulus asseruit 1. Cor. 6. *Qui adheret Deo, vnus spiritus sit cum eo.* Potest itaque R. V. thesaurum istum tanquam rem cælestem æstimare: præsertim verò si praxis & exercitium tam salutarium documentorum, quo (meo quidem videre) qui sic illa dictabat, insigniter emicuit, accedat, R. V. suis sanctis precibus Deum exoret pro me. ipse custodiat, &c.

EX ELOGIIS ILLUSTRIVM IN CAR- petania Scriptorum Viri Nobilis

*D. Thoma Tammaio de Vargas Historiographi Regij.
Ioannes de la Cruz.*

Sicut de Iepes inter celebriora Carpetanici iuris oppida non vltimum locum Sileses Toletæ vicinam iure obtinere semper visum est. Nam & primæuanæ illius